

werden sollen,²⁴ jnen Christlich befohlen sein lassen, die mit allem fleis lesen, erwegen vnd jnen einbilden, so werden sie wider alle Sacramentschwermerey vnd gifft gnugsam vnd wol damit verwaret sein vnd bleiben, daraus gründlichen bericht vnd trost finden vnd nemen können.

Bitten hiemit von grund unsers hertzens, der ewige vnd lebendige Gott, der 5
 Vater vnsers [C 3r:] Herrn Jhesu Christi, welcher durch D. Lutherum vnd
 Philippum das Liecht seines seligmachenden Worts, rechten verstand vnd
 seligen brauch der hochwürdigen Sacrament aus vnermeslicher barmhertzig-
 keit der letzten Welt verliehen vnd gegeben hat, er wolle nicht nach vnserm
 verdienst vnd vndanckbarkeit mit vns in seinem zorn handeln, sondern aus 10
 lauter gnaden vnd barmhertzigkeit solches Liecht vns vnd vnsern armen
 Nachkommen gnedigst bis zu der frölichen widerkunfft seines lieben Sons fur
 vnd fur leuchten vnd scheinen lassen. Vnd wie er durch S. Paulum, vnsern
 Apostel, des Herrn Testament auch vns armen Heiden hat befohlen vnd dar-
 bey gantz gnedig vertrösten lassen, das solches bis auff die widerkunfft 15
 Christi erhalten werden vnd bleiben solle, vnd demnach auch seine liebe Kir-
 che an allen den orten sein, bleiben vnd gesamlet werden solle, da das ge-
 dechnis der wolthaten Christi vnd rechter verstand vnd brauch dieses des
 Herrn Testaments erhalten wird, also wolle er auch vnter vns dasselbige rein
 vnd vnuerfelscht gnedigst bewaren, vns [C 3v:] daraus seine Güte vnd Barm- 20
 hertzigkeit fur vnd fur erkennen, predigen, preisen vnd rhümen lassen, vns
 vnd vnser Christliche liebe Obrigkeit wider alle gefahr, verfolgung, anfein-
 dung, lesterung vnd schmach gnedigst schützen, stercken, trösten vnd vertei-
 digen vnd vns seiner ewigen, waren Kirchen lebendige Gliedmas sein vnd
 bleiben lassen. 25

Ach Herr Jhesu, bleibe bey vns, es wil abend werden,²⁵ erhalte vnd heylige
 vns bey, in vnd durch dein heiliges Wort vnd Warheit. Dein Wort ist die
 Warheit.²⁶ Gedencke an deinen Bund, denn deine liebe Kirche ist allenthal-
 ben jemerlich verheret. Las die Geringen nicht mit schanden dauon gehen,
 die Armen vnd Elenden rhümen deinen Namen.²⁷ Mache dich auff, Gott, vnd 30
 füre aus deine sache. Gedencke an die schmach, die dir teglich von den
 Thoren widerferet, denn das toben deiner Widerwertigen wird je lenger je
 grösser.²⁸ Amen.

²⁴ Vgl. Martin Luther, Die fürnemsten vnd besten Schrifften des Hoherleuchten vnd Geistreichen Mannes Gottes, Herrn, Doctoris Martini Lutheri, Von den beiden Sacramenten des Newen Testaments, Nemlich von der heiligen Tauff, vnd dem Abendmal des HERRN. [...] Durch die Theologen der Vniuersitet Witteberg, Wittenberg 1575 (VD 16 L 3536). Vgl. zu dieser Edition Hasse, Zensur, 183–189.

²⁵ Vgl. Lk 24,29.

²⁶ Vgl. Ps 119,160; Joh 17,17.

²⁷ Vgl. Ps 74,21.

²⁸ Vgl. Ps 74,20–23.